

# هنا ضحى الصحابة بأرواحهم .. إنت ضحيت بإيه ؟!

## #عمرة\_التربية\_1 | د . حازم شومان

حازم شومان

بسم الله والصلاة والسلام على رسول الله. يعني اول حاجة زي ما النبي عليه الصلاة والسلام قال لاصحابه ان تفرقكم هذا من

الشیطان. يعني اخوانا بس شيخ عمر الشيخ احمد خلف ممكن عزرك بقى - [00:00:00](#)

يعني اخوانا يتقاربوا كده الشيخ محمد رياض فين؟ تعال يا حبيب قلبي تعال دكتور انس تعالوا يا اخواني اتفضلوا آآ يعني يا اخواني طبعا يعني العمرة فضل ومنة الله سبحانه وتعالى مليانة دعاء. يعني اي حد آآ كافي انا خجلان بصراحة من اخواني الشيخ علي زيادة

والدكتور محمد جودة - [00:00:10](#)

الشيخ محمد يسري ودكتور احمد شهاب ودكتورة مريم يعني قصص كتير بفضل الله يعني. ومين ثاني؟ طبعا المستشار محمد عرفات. يعني بفضل الله اللهم لك الحمد اللهم لك الحمد. نص اللي واقفين بفضل ومنة الله سبحانه وتعالى دعاء. اللهم لك الحمد.

فيعني انا بعترز لهم بس ان ايه يعني يعني بس عشان مسألة - [00:00:30](#)

الوقت اخواني في الله الكلام اللي قاله الدكتور احمد سيف في الوقت ده. انا عايزك تتخيل معي بس موقف انس ابن النضر لما

الصحابة يعني اشيع ان النبي عليه الصلاة والسلام ايه قتل - [00:00:50](#)

النبي قتل تخيل الموقف ده. النبي عليه الصلاة والسلام قتل. الصحابة طلوعوا من على هذا الجبل للناحية الثانية. سابوا المعركة. سابوا المعركة في الناحية انس ابن النضر ما كانش موجود في المعركة ده هو جاي من تجارة. فوجد اصحاب النبي عليه الصلاة والسلام من

الناحية الثانية من الجبل. فقال لهم انتم قاعدين كده ليه؟ قالوا له - [00:01:00](#)

الى رسول الله صلى الله عليه وسلم. النبي قتل قال لهم قوموا فموتوا على ما مات عليه رسول الله. وطب انتم قاعدين ليه؟ النبي اتقتل في سبيل الرسالة. النبي اتقتل عشان نصره دين الله في الارض. النبي اتقتل لتكون كلمة الله هي العليا. قوموا موتوا زي ما النبي

بتاعكم مات. وقال اللهم اني اعتذر اليك - [00:01:20](#)

مما فعل هؤلاء وابراً اليك مما فعل هؤلاء وطلع على الجبل ونزل في المعركة انس ابن النضر دخل يا اخواني والصحابة جسس مقطعة سبعين اللي مقتولين هنا دهمت رضي الله عنهم وارضاهم كانوا جثث مقطعة. المشركين مثلوا بجسس الصحابة. انا السؤال اللي عايز

اسأله لك - [00:01:40](#)

لو انت مكان انس ابن النضر كنت دخلت المعركة يعني غمض عينك كده وفكر. لو انت مكان انس ابن النضر في الموقف ده انت دخلت

المعركة لما النبي عليه الصلاة والسلام في الخطر اللي كان فيه وكثير من الصحابة طلع من على الجبل للناحية الثانية ووقف امام

النبي عليه الصلاة والسلام - [00:02:00](#)

من الانصار يدافعوا عنه السبعة اتقتلوا. واصبح النبي منه للمشركين مباشرة. ما فيش حد يدافع عن النبي عليه الصلاة والسلام. طلحة بن عبيد الله في اللحظة دي كان قولوا معناها انه هيتقتل. ما انا الوقت داخل انا داخل يعني سبعة اتقتلوا قدامي سبعة ذبحوا قدامي.

وقبلهم مصعب ابن عمير اتقطع يعني رأسه قطعة - [00:02:20](#)

وكل ايد من ايديه قطعة وجسده رضي الله عنه وارضاه. لو انت مكان لو انت مكان طلحة بن عبيد الله كنت دخلت لو انت مكان

طلحة عبيد الله رضي الله عنه كنت دخلت عشان تدافع عن النبي عليه الصلاة والسلام. لو الميكروفون فيه حاجة ان آآ شغال؟ مش

شغال ولا حاجة - 00:02:40

لو انت مكان طلحة بن عبيد الله رضي الله عنه كنت دخلت يا اخواني عايزين نحسبها صح دلوقتي. احنا عندنا نقعد سبعين واحد من اصحاب النبي عليه الصلاة والسلام قتلوا رضي الله عنهم وارضاهم. سبعة وستين واحد مدفونين الناحية دهيت من المقابر. سبعة وستين واحد الناحية دهبه. وهتلاقي هنا - 00:03:00

طوب كده معلم ثلاث قبور لاصحاب النبي عليه الصلاة والسلام. ثلاثة لوحدهم مدفونين وسبعة وستين لوحدهم مدفونين. الثلاثة مين هم مصعب بن عمير وعبدالله بن جحش وحمزة بن عبدالمطلب. اشمعنى الثلاثة دول؟ مصعب اللي اتقطع تحت قدام النبي عليه الصلاة والسلام. عشان - 00:03:20

دافع عن رسول الله صلى الله عليه وسلم. حمزة اللي مثل بجسده وبكر بطنه وطلعت يعني يعني هند بنت عتبة كبده تمثّل بجثته. طب والتالت هو مش هو بايز. يبقى مصعب ابن عمير وحمزة ابن عبدالمطلب - 00:03:40

الطالب التالت عبدالله بن جحش اللي دكتور احمد سيف قال الوقتي عليه ايه؟ قال ان هو قال قبل المعركة اللهم ارزقني اليوم رجلا كافرا شجاعا صنيديا يقتلني سيبقى البطنى ويقطع اذني ويجدع ان في فالقاك يا رب بدمي. بيعد هقابل ربنا بايه؟ فتقول عبدي لما فعل بك هذا - 00:04:00

فاقول فيك يا رب. فاقول فيك يا رب. معلى يا اخوان عشان بس ما فاقول فيك يا رب. اخواني في الله الثلاثة اللي تمزقوا عشان نصره دين ربنا سبحانه وتعالى. هم اللي مدفونين في هذا المكان مع بعض. كأن النبي عليه الصلاة والسلام يعني جمع اللي اكبر - 00:04:20

تضحيات قدمت عشان الاسلام. اكبر تضحيات قدمت عشان دين الله سبحانه وتعالى. انت الوقتي لو انت جندي في المعركة دي. يا ترى كنت نزلت من على الجبل يا ترى كنت هربت من الجبل دوت؟ يا ترى كنت وقفت تقاقل عن النبي عليه الصلاة والسلام؟ يا ترى كنت عملت ايه؟ يا اخوانا احنا في مكان اللي يشوف الناس وهي خارجة من هنا - 00:04:40

المكان ده هو اليوم بتاع زيارة شهداء احد في جميع العمرات اللي بتيجي السعودية. بيبقى يوم توبة عند كثير من الشباب. بيبقى يوم توبة عند كثير من النساء بيبقى يوم اخذ قرارات عند كسير من الرجال والنساء. القلوب بتحيا بالمجيء هنا. اللي يقف برة - 00:05:00 ويشوف الناس وهي خارجة قلوبها مستيقظة. وحماسها متأجج يعتقد ان لا يمكن يكونوا جايين من عند مقابر. لا يمكن يكونوا جايين من عند اموات يقينا دول جايين من عند اعظم ضعاف الدنيا. يقينا السبعين دول اعظم وعاز فصحاء بلغاء في الدنيا. فاذا به يعلم - 00:05:20

ان السبعين دول اموات. اللي شحنا القلوب الشحن ده اموات! اللي شحنا القلوب الشحن ده بقى لهم الف وربعمية سنة تحت التراب! احنا يا جماعة لما هنموت قبورنا القلوب هتحيا بسببها احنا هنموت ازاي؟ يا اخوانا احنا كنا صبح في مقابر البقيع عشر تلاف صحابي مدفون فيها. والمرافق - 00:05:40

بتوع المدينة مدفونين فيها. وال البيت مدفونين فيها. واهل المدينة المنورة من الف وربعميت سنة لحد النهاردة مدفونين فيها. وكل واحد جه يزور ويشد الرحال لمسجد النبي عليه الصلاة والسلام. ومات في المدينة مدفون فيها. يا اخوانا الكل هيموت. كل الناس هتموت. الغني هيموت والفقر هيموت. الكبير - 00:06:00

هيموت والصغير هيموت. الوزير هيموت والغفير هيموت. ولكن القضية الموتة اللي انت هتموتها هيبقى شكلها ايه؟ القضية ان كل واحد فينا هيموت. والله العظيم هيموت مهما كان ولكن فيه واحد مات لما اسمه ايه جاب كورة في العارضة في الماتش بتاع الاهلي مات من المتفجرين بالسكتة القلبية. وفيه شاب مات وهو بيسكت - 00:06:20

وبيقول انا مش عايز اموت كده. وهو على طريق الساحل الشمالي. وفي واحد مات وهو بيقول انا رحمة ربنا مش لي. انا زنت. انا شربت مخدرات صراط والعياذ بالله. وفي واحد مات في سالم اكسبريس وهي بتغرق. وهو بيقول الشنطة الفلوس شقى عمري. وفيه واحد مات وهم بيقولوا له قل لا اله - 00:06:40

الا الله الا تنفعني بايه وانا عمري ما سجدت له ولا سجدة. وفيه شاب مات وهو على الطريق ومشغل اغاني وقعد يغني اغنية العيون السوداء. الكل هيموت يا جماعة ولكن القضية هنموت ازاى؟ القضية هنقابل ربنا بايه؟ القضية هنعمل ايه؟ الجبل اللي احنا شايفينه قدامنا ده جبل احد النبي عليه الصلاة والسلام قال - [00:07:00](#)

احد جبل يحبنا ونحبه. الجبل ده الصخر الحجر ده بيحب النبي عليه الصلاة والسلام. انت قلبك مشاعره ايه تجاه النبي. انت بتحب النبي بقلبك زي الحجر ده ما بيحب النبي صلى الله عليه وسلم. انت بتحب النبي بقلبك زي الحجر ده ما بيحب النبي والمؤمنين؟ هذا الجبل - [00:07:20](#)

ونحبه. الجبل ده النبي عليه الصلاة والسلام لما الصحابة ضحكوا على ساق ابن مسعود وهو جاي يطلع يتسلق نخلة. فقال لهم اتعجبون من دقة ساق ابن مسعود لا ساق ابن مسعود في الميزان اثقل عند الله من جبل احد. جبل ثلاثة وعشرين كيلو مطوق المدينة كلها. شف الجبل دوت - [00:07:40](#)

وزنه قد ايه؟ ده رجليه بس في الميزان. تساقطه يحط ساقه في الميزان كده جبل احد اتحط. انت توزن عند ربنا ايه؟ انت توزن عند ربنا ايه؟ انت - [00:08:00](#)

قدرك عند ربنا ايه؟ لا صوت ابي طلحة في الميدان خير عند الله من الف فارس. انت ده صوته ده مش هو ده مش ايده اللي ماسكة سيف انت توزن عند ربنا ايه؟ لا اصبع محمد ابن واسع في فتح افغانستان افغانستان خير من مائة الف فارس. اسبوعه بس اللي رفعه للسما - [00:08:10](#)

وبيقول يا رب انصرنا. انت توزن عند ربنا ايه؟ انت قيمتك عند ربنا ايه؟ يا اخوانا لازم نوزن نفسنا من الوقت قبل ما نتوزن يوم القيامة. المكان اللي احنا واقفين ده في المكان يعني الواحد مكسوف والله يا اخواني هو واقف وسط هؤلاء العظماء اللي النبي عليه الصلاة والسلام اخبرنا يعني وقال لهم - [00:08:30](#)

سلام عليكم بما صبرتم. وده تحية اول من يدخل الجنة من خلق الله. ده جبل الرماة زي ما الدكتور احمد سيف وضع. الجبل الصغير ده. وده جبل احد النبي عليه الصلاة والسلام جه من الناحية اللي هناك ديت. يعني المدينة المنورة اهي النبي جه من هناك من الناحية ديت. النبي وهو جاي تلت جيش المنافقين فصل. تلت الجيش مشي - [00:08:50](#)

والنبي كمل. النبي عليه الصلاة والسلام كان شعاره انا مكمل. لو الكل تخلى عن الاسلام انا مش هاتخلي. لو الكل تخلى عن قضية الاسلام انا مش هاتخلي. والنبي عليه الصلاة والسلام كمل. النبي كان واقف يصلي في الكعبة عند الكعبة. وجه عقبة ابن ابي معيط بثوب خنق النبي عليه الصلاة والسلام. اغمى على رسول الله صلى الله عليه وسلم. وجب - [00:09:10](#)

ولركبتيه وقع مغمى عليه عليه الصلاة والسلام. النبي عليه الصلاة والسلام افاق جه سيدنا ابو بكر حاول يدفعهم عنه. النبي افاق لقي نفسه ما ماتش. ما بصش مين اللي حاول يقتله؟ ما بصش وراه. الله اكبر وقام مكمل صلاة. النبي شعار حياته انا مكمل. انا مش هلتفت. عشان كده كل بطولة - [00:09:30](#)

الصحابة عملوها في المكان دهو من اجل نصره دين ربنا هم اتعلموها من النبي اصلا. اتعلموا من النبي. الصحابي اللي ضحى بروحه هنا هوات اتعلمت لما النبي عليه الصلاة والسلام حاولوا يقتلوه عند الكعبة. واول ما قام كمل الطريق الى الله. يا اخواني في الله ما حدش يقطع عليك طريقك. المشركين كانوا جايبين من هنا. يعني المشركين - [00:09:50](#)

جايبين من هنا ده المفروض شمال المدينة المنورة. المفروض ان مكة جنوب المدينة. يعني المفروض المشركين ييجوا من هنا. ايه اللي جابهم من هنا؟ لان يا اخواني جنوب المدينة صخور بركانية. المدينة متحاوطة من الجنوب بصخور بركانية. عشان كده المكان اللي النبي عليه الصلاة والسلام بعد كده من الشمال حفر فيه الخندق - [00:10:10](#)

كانوا بيلفوا اللفة دي عشان يدخلوا المدينة من الشمال. المشركين ببيزلوا برضه. الكفار بيتعبوا برضه. الكفار بيضحوا برضه. بل من اهل الكفر من حسن لنصرة الكفر ما لم نبزله جميعا من اجل نصره الحق. بل من اهل الكفر من ضحى من اجل نصره الكفر. اللي كل تضحياتنا عشان الاسلام ما - [00:10:30](#)

قدها يا اخوانا احد الدعاة في وسط افريقيا عشان يدعو الى الله. وسط افريقيا يعني الدعاة اللي راحوا هناك لما ييجوا يحكوا لك الوضع والمستنقعات والتخلف والامراض والابوئة وما فيش كهربا فالظلام من اول المغرب تحس ان المكان فعلا مكان صعب جدا. فالدعاية راح هناك بقى وعشان يوصل احد الدعاة عشان يروح لقربة - [00:10:50](#)

مشي في مستنقع وصلت الماية لحد رقبته. فده وصل هناك لقي هناك الموضوع والناس عايشة في اكواخ وبيشربوا الماية بطينة. وقمة التخلف فحس ان هو عمل بطولة ما فيش زيتها. انه عمل عشان الاسلام اللي ما حدش عمله. وبعدين فلقى هناك وسط النساء والرجال بتوع هذه القربة. وكلهم طبعا - [00:11:10](#)

البشرة السوداء الافريقية لقي امرأة بيضاء اللون زرقاء العين شقاء الشعر. فيقول لهم واحدة ست بيقول لهم ده ايه دي! مين اللي جاب دي هنا ولا دي قصتها ايه؟ قالوا له دي - [00:11:30](#)

اوروبية جت هنا من ثلاثين سنة من ثلاثين سنة سابت اوروبا وشباب اوروبا وحضارة اوروبا وفلوس اوروبا شبابنا بيموت وهو بيحاول يدخل اوروبا بهجرة غير شرعية على المواني. ودي سابت اوروبا بكل اللي فيها. وبقى لها ثلاثين سنة هنا عايشة وسط نساء القربة. بتحاول تعلمهم النصرانية. بتحاول - [00:11:40](#)

تدعوهم لدينها. بتشرب المية اللي بتنعى معهم. عايشة في الاكواخ معهم. بتتعرض للبعوض والمالاريا والابوئة معهم. عايشة في الظلام من اول المغرب لحد ثاني يوم بالنهار معهم عشان تدعوا لدينا ضحت بشبابها وبكل شهوات اوروبا عشان تدعوا لدينها. المرأة دي يا جماعة ده جهد اهل - [00:12:00](#)

باطل لنصرة الباطل. طب جهد اهل الحق لنصرة الحق ايه؟ مين فينا عمل عشان الاسلام اللي المرأة دي عملته؟ مين فينا عمل عشان الاسلام؟ الواحد بيتعبد وهو ماشي لما يشوف عربيات الشباب عربيات كتير تلاقي صورة جيفارا لو عارفين جيفارا الشيوعي الشاب الشيوعي اللي عاش عشان الشيوعية ايام الستينات يلاقي سورة - [00:12:20](#)

جي فار على ظهر العربيات. رايح القاهرة لقيت افتتاح محل كبير متسمي سفارة وحاطين زور الجفارة. تلاقي شباب لابسين تيشترات عليها صورة جيفارة. جيفارة ده شاب آآ من الغرب ضحى بحياته عشان الشيوعية. وعمل ثورة في كوبا السورة نجحت. فمسكوا البلد. فهو اللي هيبقى رئيس الجمهورية. فرفض انه - [00:12:40](#)

رئيس الجمهورية انا ما مسكش رئاسة الدولة ليه؟ تلميز من تلامزته اللي هو فيه ديل كاسترو اللي لحد دلوقتي هو اللي حاكم كوبا لحد دلوقتي في دي الكسر هو اللي حاكم كوبا. تلميز - [00:13:00](#)

من تلامزته مسكوا الدولة وقال انا هلف الارض اعمل سورات في البلاد عشان انشر الشيوعية في الارض. جيفارة او شي جيفارة راح بعد كده في دولة من الدول يعمل فيها سورة اتقتل وهو بيعمل السورة. يبقى ضحى بدمه وبروحه عشان ايه؟ عشان الشيوعية - [00:13:10](#)

يبقى عاش على الشيوعية وضحى بروحه عشان الشيوعية. انت عملت ايه بقى عشان الاسلام؟ الشيوعية خمسة مليون واحد في المجر اتقتلوا عشان تحكم المجر. عشرين مليون واحد الاتحاد السوفيتي اتقتلوا عشان الشيوعية تحكم الاتحاد السوفيتي. ملايين اتقتلوا في اوروبا الشرقية. عشان الشيوعية تحكم اوروبا الشرقية. طب احنا عملنا ايه عشان الاسلام؟ احنا - [00:13:29](#)

ضحينا بايه عشان الاسلام؟ جه المشركين من هنا والرسول عليه الصلاة والسلام من هنا والتقى الجيشين جيش المشركين اتسحق طلوعوا كلهم يهربوا الغنائم سابوها كانوا جايين ايه بقى بكل الاموال والاغنام جايين معركة حياة او موت. الرماة اول ما شافوا المنزر نزلوا. يا اخواني في الله اي - [00:13:49](#)

حد انت ممكن تركك للصغر بتاعك يضيعنا كلنا. عارفين بالزبط زي احنا في العمرة ديت ممكن مسلا لو حد مسئول عن حاجة معينة في الادارة وقام قايل يا عم انا عايز اروح ايه - [00:14:09](#)

آآ اعمل اللي انا عايز اعمله ممكن يبهدلنا كلنا. اللي هيتترك السفر بتاعه انت معنى ان ما لكش ثغر مش معناه انك انت ما سبتش ثغر. ده معناه انك انت ما دخلتس عليه من الاول اصلا. يعني اشد من اللي دخل وساب. يا اخواني في الله لما اربعين واحد سابوا السفر

بتاعهم ايه اللي حصل؟ الجيش كله التزم. لا - 00:14:19

لحد دلوقتي يعني من خيار اصحاب النبي عليه الصلاة والسلام مقتولين بسبب ان اربعين واحد سابوا السفر بتاعهم. اوعى تسبب السفر بتاعك. عشان كده النبي عليه الصلاة والسلام بيقول لاصحابه - 00:14:39

اتدرون اول من يدخل الجنة من خلق الله؟ عارفين اول ناس هتدخل الجنة مين؟ الاوائل على البشرية قالوا له الله ورسوله اعلم. قال الفقراء الذين وقال ثلاث شروط. اللي عايز يبقى من الاوائل على البشرية في الجنة يحقق التلات شروط دول. الذين واحد تسد بهم -

00:14:49

صغور يعني راجل واقف على ثغر. انت واقف على ايه؟ انت ممكن تكون في الدنيا دكتور. ممكن تكون في الدنيا رجل اعمال. ممكن تكون في الدنيا مهندس ممكن تكون في الدنيا جراح وممكن تكون في الدين عاطل. ممكن تكون في الدين ما لكش مهنة. ممكن تكون في الدنيا موتت نفسك عشان يبقى لك وظيفة - 00:15:09

ما تبقاش عندك بطالة دنيوية. وممكن يكون خمسة وتسعين في المية عنده مننا عنده بطالة دينية. ما فيش حاجة بيعملها عشان ربنا. ما فيش سفرة هيتفتح لو مات ما فيش ثغر واقف عليه يسده عشان الاسلام. ولا حتى انها تربى ولادها على الاسلام والدعوة الى الله. ولا حتى ان هو يكلم زميله في - 00:15:29

دراسة ولا زميله في الشغل في الدعوة الى الله؟ يا اخواني في الله ايه ثغرك؟ واحد الذين تسد بهم الثغور. اتنين ويتقى بهم المكاره. اللي كل الناس مش عايزة تتعرض له يعرض نفسه ليه عشان الاسلام؟ ثلاثة ويموت احدهم وحاجته في صدره لا يستطيع لها قضاء. يموت وهو عنده - 00:15:49

احتياجات دنيوية من كتر انشغاله بالدين والدعوة ونصرة الاسلام. ما فضاخ انه يكمل احتياجاته الدنيوية. يا اخواني في الله دول اول من يدخلون الجنة من خلق الله والرسول عليه الصلاة والسلام قال لشهداء احد سلام عليكم بما صبرتم. ودي تحية اول من يدخلون الجنة من خلق الله لان - 00:16:09

سد الثغور زي ما دكتور احمد قال يوم القيامة وانت بتجري على حوض النبي عايز تشرب من ايد النبي عليه الصلاة والسلام وعطشان ونفسك تشوف النبي عليه الصلاة والسلام هتلاقي واحد بيجري وشايل كبده وكبده متقطع وبينزف دم. انت مين؟ يقول لك انا حمزة. وايه اللي عمل فيك كده؟ يقول لك انا مت عشان ربنا. وهتلاقي - 00:16:29

واحد جاي شايل دراعاته الاتنين والدم بينزل من مكان السيف اللي خده في رقبته. انت مين؟ انا مصعب. وايه اللي عمل فيك؟ عشان ربنا سبحانه وتعالى وهتلاقي واحد جاي بطنه مفتوحة وامعانه نازلة وودانه مقطوعة والدم بينزف من كل مكان. انت مين؟ انا عبدالله بن جحش - 00:16:49

ايه اللي عمل فيك كده عشان نصرة دين ربنا؟ يا اخواني في الله الموضوع مش امانى الموضوع مش احلام اللي عايز يبقى مع دول في الجنة اللي عايز يبقى مع السبعين - 00:17:09

واحد دول في الجنة لازم يعمل اللي هم عملوه. لازم يمشي في نفس الطريق اللي امشوه. زي ما النبي عليه الصلاة والسلام قال العاجز من اتبع نفسه هواها وتمنى على الله الاماني. قعد يحلم بقى. يحلم في الدين انه يبقى في الجنة. يا اخوانا الموضوع مش بالاماني. القضية اللي عايز يبقى مع الصحابة في الجنة - 00:17:19

لازم يعمل اللي هم عملوه في الدنيا. غزوة احد بتقول لك ان الدين ما قامش غير بالتضحية. ان الدين ده كان وراه دم اصحاب النبي عليه الصلاة والسلام. الدين ده - 00:17:39

كان وراه تضحيات اصحاب النبي عليه الصلاة والسلام. الدين ده فيه ناس ضحت بعمرها. عشان احنا نقف بالمنزر ده. الاتراك والاييرانيين والمغرب العربي والمصريين والسعوديين والاندونيسيين والباكستان وكل جنسيات العالم. في ناس ضحت بدمها عشان - 00:17:49

ده يقوم التضحية لدين ربنا سبحانه وتعالى دي فرض علينا. في رقبتنا كلنا لدين ربنا سبحانه وتعالى. النهارده الصحابة اللي اتقتلوا



دهمت اتقتلوا التراب من الف وربعمية سنة عشان الاسلام. النهاردة مسجد باسم واحد منهم في اسبانيا. وشارع باسم واحد منهم في امريكا. ومبنى باسم واحد في النوم - 00:18:09

في الاتحاد السوفيتي النهاردة اتحت اسماءهم على مباني وشوارع في العالم كله. التضحية ضحوا في يوم من الايام وبقوا الوقت نجوم الدنيا كلها. ضحوا في يوم من الايام وبقوا الوقت نجوم الارض كلها - 00:18:29

عايزين يا اخواني ما نعش تنبلة الصحابة. احنا تنابلة الصحابة. اللي فتح السعودية الصحابة. واللي فتح مصر الصحابة. واللي فتح الشام الصحابة. واللي فتح ايه ده! طب عملنا ايه؟ احنا عملنا ايه؟ ما عملناش اي حاجة. احنا تنابلة الصحابة. احنا بقى لنا الف وربعمية سنة عايشين في الاراضي وبناكل من خير - 00:18:41

الاراضي اللي الصحابة فتحوها. بفتح ربنا سبحانه وتعالى. طب احنا اضفنا ايه؟ احنا راح مننا. واحنا احياء جنوب السودان اتقطعت. والعراق اتشقت. وفلسطين احتلت والاندلس ضاعت واحنا احياء. الاسلام بينقص. ابو بكر الصديق قال اينقص الدين وانا حي؟ لما وقف ابو سفيان بعد المعركة والصحابة - 00:19:01

النبي عليه الصلاة والسلام على جبل احد بعد نهاية المعركة قال لهم افيكم ابو بكر؟ افيكم ابو بكر؟ ما ردوش افيكم عمر؟ ما ردوش اشمعنى عن ابو بكر وعمر دور الرجالة. اللي طول ما هم موجودين الدين ده متشال. فيه رجالة يا جماعة. طول ما هم موجودين هيبقوا عاملين زي ابو بكر. اينقص الدين - 00:19:21

وانا حي لا يمكن. انت من الرجالة دول لو ابو سفيان رجع تاني. لو اوباما جه في مصر هيقول افيكم مين؟ هينادي اسمك هيعتبر ان انت من الشخصيات اللي خطر على الكفر في الارض انها تفضل عايشة؟ انت هتبقى من الاسماء ديت. بعد كده قال اعلوا هبل. النبي عليه الصلاة والسلام - 00:19:41

قال لهم ايه؟ الا تجيبوه؟ انتم ازاى تسكتوا؟ ازاى ربنا يعتدى على اسمه وازاي ربنا يعتدى على وحدانيته؟ وتسكتوا. فقال الا تجيبوه عليه الصلاة والسلام بيقول لنا الكلمة دي كلها الا تجيبهم العلمانيين اللي بيقولوا ربنا ما له وماال السياسة. العلمانيين اللي بيتجروا على شريعة ربنا. العلمانيين اللي بيعادوا الشرع الله - 00:20:01

نهارا نهارا على القنوات. الا تجيبوهم اللي بيدعوا للانحلال والخروج عن احكام دين ربنا. الا تجيبهم؟ مين اللي هيجابو وانت ما جبتش من اللي اجابو. لو انت ما ردتيش من اللي هيرد. يا جماعة ما حدش مننا يستقل بدوره. ما حدش مننا يستقل باللي يقدر يعمل. ما حدش مننا يستقل - 00:20:21

اقتحم يا ابني اقتحم وشف حاجة تنصر بها دين ربنا. انس ابن النضر وهو نازل يا اخواني كان كل اللي قدامه جسس من جسس اصحاب النبي عليه الصلاة والسلام مقتولة. ومع ذلك نزل - 00:20:41

فوجد ريح الجنة. فقال اني لاجد ريح الجنة. دون طلحة بن عبيد الله. لما لقي سبعة مقتولين قدام النبي اقتحم ودخل. ما قالش وانا اعمل ايه؟ وربنا نجاه ما قالش وانا هعمل ايه؟ بعد كده قيل من النبي عليه الصلاة والسلام قال دونكما اخاكما فقد اوجب - 00:20:51

وجبت له الجنة بمرة وقف مع الاسلام فيها. وجبت له الجنة بمرة دافع عن النبي عليه الصلاة والسلام فيها. انت هتجب لك الجنة بايه؟ العمل اللي انت هتدخل به الجنة - 00:21:11

يا ترى عملته ولا لسه؟ العمل اللي انت هتدخل به الجنة. يا ترى عملته ولا لسه؟ يا اخواننا اللي لازم نخرج به من المكان ده ان نصرة دين ربنا فرض ما هيش فضل - 00:21:21

انك انت تشتغل لنصرة الدين وللدعوة الى الله. ده مش حاجة زيادة وحاجة بقى ايه حاجة جميلة الواحد بيعملها ده فرض عليك. انت هتتسأل عن نصرة دين ربنا يوم ياما زي ما هتتسأل عن الصلاة والصوم بالزبط غزوة احد كلها معاني خطيرة وكلها معاني عظيمة. ومهما احاطنا بها ومهما اتكلما - 00:21:31

مش هنقدر ان احنا يعني يعني نحيط بها ابدًا. لما الرجالة كانوا بالمنزر ده. بعد كده عكرمة ابن ابي جهل. عكرمة ابن ابي وخالد ابن الوليد وابو سفيان قوات جيش الكفر بقوا من قوات جيوش الاسلام بعد كده. لما كان للدين رجالة. لو احنا بقينا رجالة العالم كله يدخل

في الاسلام - 00:21:51

المستشرقين اللي مبهورين بالاسلام. علماء الطب والفلك في العالم اللي مبهورين بالاعجاز العلمي في القرآن. ما بيدخلوش الاسلام ليه اما يدخل ورا مين ؟ هيمشوا ده فضيحة. يا اخوانا ما تزعلوش مني. احنا عادل مشي وانا في العالم فضيحة. عادل مشي وانا في

العالم معرفة - 00:22:11

العلماء بيقرؤا آيات القرآن برة بتوع علم الاجنة وعلم الطب وعلم الفلك وعلم الكيمياء والفيزياء بيزهلوا من الاعجاز العلمي مستشرقين منهم ناس لما بتدرس الاسلام بيزهلوا من اعجاز الاسلام. مع ذلك ما بيقدروش يدخلوا في الاسلام. ليه ؟ هيبقى عار عليهم وعلى

عيلتهم - 00:22:31

ليوم القيامة ان هم مشوا ورا المسلمين بالاحوال بتاعتهم دي. احنا منزرنا قدام الناس وحش اوي اوي على مستوى الاخلاق وعلى مستوى الرجولة وعلى مستوى البطولة وعلى مستوى التمسك بنا. احنا لما بنهين شريعتنا وبنحاربها او بنسكت على حربها. احنا بنهزأ

نفسنا قدام العالم كله. فهم هيمشوا وراء مين - 00:22:51

يا اخواني في رقبة كل واحد مننا مسؤولية كبيرة قوي تجاه الاسلام. اولها ان كل واحد مننا يبقى مسلم صح. كل واحد مننا لازم يخرج من هنا وهو مسلم وهي مسلمة صح. مش مسلم في البطاقة. مسلم وحقيقي. مسلم شاق اغلى حاجة عنده في حياته الاسلام. اغلى

حاجة عنده في حياته نصره - 00:23:11

النبي عليه الصلاة والسلام اغلى حاجة عنده في حياته التضحية عشان ربنا سبحانه وتعالى. زي عبدالله بن جحش فالقاك يا رب بدمي. بيفكر انا هقابل ربنا بايه فكروا انتم كمان هنقابل ربنا بايه ؟ ايه الحاجة اللي هتقابل بها ربنا ؟ ايه الحاجة اللي انت مجهزها لأول ليلة

في القبر تدخل بها قبرك ؟ ايه الحاجة اللي انت مجهزها - 00:23:31

من على الصراط. ايه الحاجة اللي انت مجهزها الطب بكافة الحسنات. ايه الحاجة اللي انت مجهزها تصحب بها النبي عليه الصلاة والسلام من صحابة في الجنة. لازم نخطط لمستقبله يا جماعة لازم نخطط لدين ربنا سبحانه وتعالى. لازم نخطط لازم لازم نخطط

لعلاقتنا برنا - 00:23:51

ربنا سبحانه وتعالى معلش ده يعني ناس تايهة من فوق بس معلش ربنا يجمع شمل المسلمين جميعا. اللهم استعملنا ولا تستبدلنا. ايه ؟ اللهم استعملنا ولا اللهم استعملنا لنصرة دينك في الارض. اللهم استعملنا لنصرة دينك في الارض. اللهم قوي في رضاك عزمنا. اللهم

اقمنا على مرادك منا. اللهم اجعل - 00:24:11

ان من جندك المخلصين. اللهم اجعلنا من جندك المخلصين. اللهم يا ربنا اخترنا واصنعنا واصطنعنا لنفسك واصنعنا على عينك يا ارحم الراحمين. اللهم ارزقنا صحبة النبي صلى الله عليه وسلم في الفردوس الاعلى. اللهم ارزقنا الشهادة في سبيلك. مقبلين غير مدبرين.

اللهم يا - 00:24:31

ربنا املاً قلوبنا بما بدأت به قلوب عبادك الصديقين. انك ولي ذلك والقادر عليه - 00:24:51